



Akilersuuteqarnissamik suliat pillugit ilisimasariaqakkatit

**Akilersuuteqarneq sunaava aamma kina
akilersuutinik pisinnaatitaava? Akilersuutit suut
pineqarsinnaappat? Eqqartuussisoqarfiup suliaq
qanoq suliarisarpaa?**

AKILERSUUTIT SUUPPAT?

Akilersuutit tassaapput aningaasat akilernerqartussat, inuup allap ullormut aningaasartuutaanik matussusiinermut tapertaasussat.

Aappaasumut akilersuutit

Aappariit averuserpata avippataluunniit eqqartuussisut pissutsini immikkut ittuni aalajangiisinnaapput aappaasoq aapparminut akilersuissasoq. Aappaasumut akilersuutit taamaattut averusernermut avinnermulluunniit atatillugu aalajangersarneqartarput kingusinnerusukkullu oqartussanit, akilersuutininik aalajangersaasunit, allannngortinneqarsinnaallutik.

Aappaasumut akilersuutininik aatsaat pisoqarsinnaavoq sivisuumik katisimasimagaanni aamma isertitaqarnissamut periarfissaq appariinneq pissutigalugu ajorseriarsimappat. Aappaasumut akilersuutit pillugit paasisaqarnerusinnaavutit averuserneq avinnerlu pillugit quppersakkami.

Meeqqanut akilersuutit

Angajoqqaat marluullutik nerisassanut, atisanut, meeqqerivinnut allanullu akileeqataasussaapput. Angajoqqaat aappaa aningaasartuutitut akileeqataajumanngippat eqqartuussisoqarfik aalajangiisinnaavoq angajoqqaq taanna meeqqanut akilersuissasoq.

Meeqqamik najugaqateqartoq akilersuutininik piumasaqarsinnaavoq. Meeraq qitornarsiaappat angajoqqaarsiat angajoqqaaniit tamaniit akilersueqqusisinnaapput.

Meeqqamik najugaqateqartoq akilersuutininik makkuninnga qinnuteqarsinnaavoq:

- Meeqqap 18-inik ukioqalernissaata tungaanut aningaasartuutit nalinginnaasut
 - Meeqqamut ataatsimut akilersuutit nalinginnaasut qaammammut kr. 1.000-iupput.
 - Akilersuisusaaq immikkut isertitakkaajuppat qaffasinnerusunik akilersuititsisoqarsinnaavoq
- Kuisinnermi akilersuutit ataasiarluni akiligassat kr. 763-iupput.
- Meeqqap napparsimanerani ilisaanerani luunniit immikkut aningaasartuutitut immikkut akilersuutit
- Apersortinnermut akilersuutit ataasiarluni akiligassat kr. 3.033-upput.
 - Meeraq apersortissanngippat atisassarsiutissanik akiliisitsisoqarsinnaavoq
- Ilinniarnermi akilersuutit ilinniartunut 18-it 24-llu akornanni ukiulinnut akilersuutaapput

Aamma anaanaasoq erninnermut atatillugu akiliutininik qinnuteqarsinnaavoq. Akilersuutit taakku aalajangersimasumik annertussuseqarput anaanaasullu Erninnerminut atatillugu sulinngiffeqarneranut attuumassuteqaratik.

- Attaveqarfissat pillugit paasisutissat eqqortut qinnuteqaammi allanissaat pingaaruteqartorujussuavoq.
- Illit najugaqarfiit illuatungerisavilluunniit najugaqarfia eqqortoq ilisimatitsissutiginnikkukku eqqartuussisoqarfiup suliaq itigartitsissutigissavaa.
- Eqqartuussisoqarfiup aatsaat suliaq suliarisinnaavaa, eqqartuussisut paasisutissat pisariaqartut tigoreerpatigut.

QANOQ MEEQQANUT AKILERSUUTINIK QINNUTEQARTOQARTARPA?

Eqqartuussisoqarfimmut anaanaasup najugaqarfianiittumut saaffiginnilluni meeqqanut akilersuutininik qinnuteqartoqarsinnaavoq. Akilersuutininik piniaraanni immersugassaq immersorneqassaaq, taanna eqqartuussisoqarfimmi pineqarsinnaavoq imaluunniit uani nanineqarsinnaavoq: www.eqqartuussivik.gl, nammineerutissat/immersuiffissat.

Qinnuteqaammut ilanngullugit tunniunneqassapput makku nuutsinneqarnerat:

Akilersuutininik nalinginnaasunik perusukkaanni nassarneqassapput

- *Meeqqap kuisinnermut allagartaa, angajoqqaat marluullutik aqqi allassimassallutik imaluunniit*
- *Ataataassutsimik akuersinermi eqqartuussisut suliaannik allassimaffik imaluunniit*
- *Ataataassuseq pillugu eqqartuussut*

Akilersuutininik qaffatanik perusukkaanni nassarneqassapput

- *Akilersuutit nalinginnaat pillugu aalajangersagaq pigineqarpat imaluunniit eqqartuussisut suliaannik allassimaffik*
- *Ukiumut naatsorsuusiak kingulliit Akileraartarnermut Aqutsisoqarfimmeersut illuatungeriinnut tamanut tunngasut*
- *Akissarsiat allagartaat kingulliit pingasut, ukiumut naatsorsuusiami kingullermi Akileraartarnermut Aqutsisoqarfimmeersumi isersitat annertuumik allannguuteqarsimassappata*

Akilersuutit qaffatat apparneqarnissaat kissaatigineqarpat nassarneqassapput

- *Eqqartuussisut suliaannik allassimaffik akilersuutininik qaffatanik aalajangiineq pillugu imalik*
- *ukiumut naatsorsuusiasq kingulleq Akileraartarnermut Aqutsisoqarfimmeersosq*
- *Akissarsiat allagartaat kingulliit pingasut, ukiumut naatsorsuusiami kingullermi Akileraartarnermut Aqutsisoqarfimmeersumi isersitat annertuumik allannguuteqarsimassappata*

Akilersuisitaannginnissaq kissaatigineqarpat nassarneqassapput

- *Eqqartuussisut suliaannik allassimaffik siusinnerusukkumersosq*
- *Akilersuisussaajunnaarnermut uppersarsaat*

Ilinniarnermi akilersuutit perusukkaanni nassarneqassapput

- *Meeqqap atuarfissaaniit atuarnissaq pillugu uppersarsaat aamma*
- *Meeqqap kuisinnermut allagartaa angajoqqaat marluullutik aqqi allassimassallutik imaluunniit*
- *Ataataassutsimik akuersinermi eqqartuussisut suliaannik allassimaffik imaluunniit*
- *Ataataassuseq pillugu eqqartuussut*

Apersortinnermi imaluunniit atisanut akilersuutit perusukkaanni nassarneqassapput

- *Palasimiit uppersarsaat*

- *Meeqqap kuisinnermut allagartaa angajoqqaat maluullutik aqqi allassimassallutik imaluunniit*
- *Ataataassutsimik akuersinermi eqqartuussisut suliaannik allassimaffik imaluunniit*
- *Ataataassuseq pillugu eqqartuussut*

Kuisitsinermut akiliutit perusukkaanni nassarneqassapput

- *Palasimiit uppersaat*
- *Ataataassutsimik akuersineq imaluunniit*
- *Ataataassuseq pillugu eqqartuussut*

Akilersuutini immikkut ittunik perusukkaanni nassarneqassapput

- *Ilisinermut aningaasartuutitut imaluunniit nappaammut katsorsartinermut aningaasartuutitut allanullu uppersaatit*

SULIAP INGERLANNEQARNERA

Eqqartuussisoqarfiup qinnuteqaat tigoreerpagu eqqartuussisoqarfimmiit angajoqqaajusumut, qinnuteqartup akilersueqqusaanut, allagaqartoqassaaq. Allakkanik tiguisusaaq suliami akissuteqarnissaminut sap. akunnerinik sisamanik piffissaliivigineqassaaq.

Allakkanik tiguisusaaq sap. akunneri sisamat qaangiutsinnagit akissuteqanngippat eqqartuussisoqarfik aalajangiisinnaavoq angajoqqaq, meeqqamik najugaqateqanngitsoq, akilersuissasoq. Eqqartuussisut suliami aalajangiinissaminni atugassaminik paasissutissanik amigaateqarunik namminneq paasissutissanik piniarsinnaapput. Soorlu eqqartuussisut Akileraartarnermut Aqutsisoqarfik attaveqarfigisinnaavaat illuatungeriit isertitaat pillugit paasissutissanik piniarfigalugu.

Angajoqqaq akilersuuteqarnissaminut akerliliippat, eqqartuussisut illuatungeriinnik eqqartuussinissamut, eqqartuussisumit peqataaffigineqartumut, aggersaasinnaapput.

Eqqartuussisut aalajangiinertik illuatungeriinnut tamanut nassiutissavaat. Eqqartuussisut aalajangiissappata akilersuisoqassasoq taava akilersuisitsinermut allaffik Kommunimiittoq aalajangiineq pillugu paasitinneqassaaq.

Attaveqarfissaq

Arlaannik nalornissuteqaruit imaluunniit ilitserorneqartariaqaruit paasissutissat amerlanerit uani takusinnaavatit: www.eqqartuussivik.gl imaluunniit eqqartuussisoqarfik sianerfigisinnaavat: 36 38 00